



Rudolf Schwendeler, il nov schef dals tiradurs giuivens tar l'Uniun chantunala da tir (BSV).



Il quartet da Sent è vegni sin il 2. plaz tar las gruppas da la categoria giuivens.



Pascal Cadalbert, il nov campiuon grischun da tir dals juniors.



Da buna luna quels quatter giuivens Lumnezians: Thomas Halter, Simon Halter e Nico Derungs (da san.).



Jan Cadosch, in dals pli giuivens participants.



Tar ils giuivens sin il podest: Ronja Levy, Fabio Giger e Valentin Nauli (da san.).

FOTOS G. N. STGIER

## Traidubla victoria sursilvana

Tir: Campiunadi grischun dals giuivens e giuivens

DA GION NUTEGN STGIER / ANR

■ Il meglier tiradur giuven dal Grischun sa numna Pascal Cadalbert. Tar ils giuivens è quai Fabio Giger, el ch'è vegni per la terza giada campiuon grischun. En la concurrenza da gruppas èn ils mats e las mattas da la Bregaglia stads ina classa per sasez. Al stan da tir Rossboden a Cuira ha gi lieu il Campiunadi grischun da tir dals giuivens e dals giuivens. Da la partida èn stads 100 participants e participantas dad 11 fin 20 onns. Las relaziuns èn stadas pretensiusas cun adina puspè sa midar la glisch. Quel aspect è bain stà la raschun principala che la garda giuvna da tir da noss chantun ha sajettà main buns resultats sco anc avant in onn tar la medema occurrenza a Vuorz.

### Plaschair da ses success

En il tir singul dals tiradurs giuivens è la victoria ida a Pascal Cadalbert (Castrisch). Ses success è bain in pau ina surprisa, tutgava il mat da 19 onns na propri tar ils favorits. Il Sursilvan ch'ha avant paucas emnas terminà cun success l'emprendissadi da miradur ha gudagnà l'occurrenza grazia a ses 93 puncts. Il fan da

Roger Federer e da la skiunza Corinne Suter è sa mussà content s'enter esser vegni campiuon grischun tar ils giuivens. En sia giuvna carriera da tiradur saja quai il pli grond success, ha ditg Cadalbert. Cumplettà il success sursilvan han lura Rino Caminada, il giuven Lumnezian, cun d'entantar vicecampiuon grischun cun in total da 91 puncts e Sarina Cajochen (Sedrun-Tujetsch) cun terminar il tir sin il terz plaz cun in resultat da 90 puncts. La traidubla victoria sursilvana conferma che a la basa vegn fatg en Surselva buna lavur per promover e sustegnair ils tiradurs giuivens. La concurrenza da gruppas en la categoria tiradurs giuivens ha gudagnà la gruppa Bregaglia cun 690 puncts. Da la gruppa han fatg part las duas tiraduras Madlaina Giovanoli e Federica Spinass ed ils dus tiradurs Martin Krüger e Lorenz Wieland.

### Strusch concurrenza

Tar ils giuivens è ina giada dapli Fabio Giger (Pasqual) stà ina classa per sasez. Il mat da 14 onns ha tratg 89 puncts e gudagnà l'occurrenza. Cun quel success è il mat da la Tumleatga vegni per la terza giada campiuon grischun tar ils giuivens. Giger è in tiradur passiuonà, er cun tutgar

ses bab Hansruedi Giger tar in dals pli fermes tiradurs dal Grischun. Il 2012 è el per exempel stà retg tiradur da la Festa da tir chantunala ch'ha gi lieu en il Grischun central. Ronja Levy (Sedrun-Tujetsch) è vegnida segunda sonda passada a Cuira cun sajettar 84 puncts. Cumplettà il podest ha Valentin Nauli (Tumegl) cun in resultat dad 82 puncts. Er en quella categoria la la gruppa Bregaglia gudagnà l'occurrenza.

### Rangaziun Tir singul

Giuivens: 1. Pascal Cadalbert (Castrisch) 93 puncts. 2. Rino Caminada (Rofna) 91. 3. Sarina Cajochen (Sedrun-Tujetsch) 90. 4. Aron Janka (Eigias-Landquart) 90. 5. Madlaina Giovanoli, (Bregaglia) 88. 6. Maurus Joos (Signina) 88. 7. Cyrill Gubser (Bravuogn) 88. 8. Armando Santacaterina (Tumegl) 88. 9. Romedi Parolini (Sent) 88.

Giuivens: 1. Fabio Giger (Pasqual) 89 puncts. 2. Ronja Levy (Sedrun-Tujetsch) 84. 3. Valentin Nauli (Tumegl) 82. 4. Marlen Raffainer (Bravuogn) 81. 5. Lorena Mark (Bravuogn) 78. 6. Ricardo Schutz (Filisur) 78.

### Rangaziun gruppas

Giuivens: 1. Bregaglia II 690 puncts. 2. Sent 682. 3. Bregaglia I 677. 4. Signina 671. 5. Bravuogn 665. 6. Castrisch 664.

Giuivens: 1. Bregaglia 482. 2. Sedrun-Tujetsch 478. 3. Bravuogn 473.



Success per la gruppa Bregaglia tar ils giuivens: Martin Krüger, Lorenz Wieland, Federica Spinass e Madlaina Giovanoli (da san.).